

寶應縣志卷之十八

五言律

過安宜張明府郊居

唐 劉長卿

寂寥東郭外白首一先生  
解印孤琴在移家五柳  
城夕陽臨水釣春雨向田耕  
終日空林下何人識  
此情

將發楚州經寶應訪李二忽於州館相遇月

夜書事因東李寶應 韋應物

孤舟欲夜發祇為訪情人  
此地忽相遇留連意更

寶應縣志 卷之十八

一

新停盃嗟別久對月論家貧  
一問臨邛令如何待

上賓

寄寶應丘大夫敘 宋 劉 華

制閩今元帥男邦舊大夫  
受成無弊事直上有茂  
澤赤縣圖新入蒼生喘  
欲蕪底須勞戰士城築守  
淮隅

寶應道中 文天祥

天關搏南鴈淮南長北驅  
甘棠成傳舍細柳作康  
衢四海隨時變山河往日  
殊征袍共袞繡夜壁

出寶應湖雪中舟行

元王惲

避冷乘官舸風蓬去若奔兩陂雲影黑一片雪花  
昏境與詩相會寒無酒可溫泥橋投宿處落日暮  
楊村

九月七日舟次寶應雨中與天與弟別

元薩天錫

解纜不忍放船頭雨濕衣汝兄猶是客吾弟獨先  
歸行役關河遠虛名骨肉稀如何淮浦鴈不作

寶應縣志

卷之十八

二

行飛

過汜光湖

明高穀

竟湖纔過却萬頃復湯湯風捲濤聲急雲連樹影  
長狎鷗驚使節鮮鯉避鳴榔白首朝天去凝眸望  
帝鄉

過寶應湖

李東陽

堤岸山平野烟深木抱城湖天四面關風舸一時  
輕鷗鶴飛揚意魚龍出沒情相看總相得吾亦愛

寄寶應朱楚琦先生

徐誌

盛世無徵聘青年有令名深藏知重價幽隱見高情軒冕從渠貴山林也自榮何時淮海上夜雨一樽傾

題仲氏選勝園

顧璘

鳳葉搖新竹虬枝結古松宛臨三畝宅翻上九華峰池淨深深見花繁處處逢愛君多美酒留賞與從容

元夕飲寶應朱升之宅

邊貢

寶應縣志

卷之十八

三

望望安平驛春行路不遙故人還此地苦序且元宵水近潮通閣燈寒月過橋計程拚取醉佳賞更須招

三月過汜水

儲巘

好風貪利涉半日隔秦郵雜鳥鳴芳甸閒花占遠洲酒從今雨飲春及故鄉遊老大空縻祿西湖欲繫舟

過寶應湖

王洪

茅屋自成聚門前湖水流平蕪遙見塔小港曲通

舟檣日留飛燕帆風起白鷗江湖多逸興况是及  
春遊

月夜寶應舟中

吳兆

湖月忽來照蕭然水樹明權沿堤影直星過浦光  
橫家遠秋多夢年豐夜可行前程何處泊鷄唱是  
孟城

阻風白馬湖東朱振之

王寵

白日狂風嘯青天退鷗翻浪高湖色怒鄉近客心  
燔燈火疎淮甸雲霾蔽海門故人一水隔愁絕浣

寶應縣志

卷之十八

四

五

花村

園居卽事

朱應登

首夏衡門裏清波四望通古槐垂密葉細草結幽  
叢庭灑黃梅雨簾鉤紫燕風林堂多發興興至復  
誰同

廣洋湖夜泛

朱曰藩

中散不復疑吾道已如斯寸寸碧闌下雙雙青翰  
移霜螯擘蟹斗水髮擢蓴絲回橈正無賴何處吹  
參差

仲泰安招游湖西荷花蕩分韻得添字

朱曰藩

雜佩搖湖日明妝隔鏡心輕橈隨鷺轉別墅人花  
淡翠蓋水中室丹霞酒畔吟非君能泛愛詎得獨  
開襟

塔

朱曰藩

何代芙蓉塔長留碧海西徒憐浩劫盡那得半空  
躋象外胡僧禮花邊估客迷大堤明月好夜夜足  
招携

寶應縣志

卷之十八

五

關車蕩

朱曰藩

清霜脆榆柳大澤響蒹葭魚淦四通水鷗分半席  
沙蕩田連綠草海寺爍丹霞記得東林醉樽前又  
女華

射陂

朱曰藩

青青陂上水草田常不區漢屬廣陵郡乃產臧陳  
徒沙墩排萬馬烟海失群鳧日極茆簷下歌長費  
酒壺

乙丑正月三日過宏

方丈

吳敏道

入歲又三日流年已四旬重中多後輩寺裏悟前身  
雪乳浮甌嫩天花拂座新自今松下徑莫厭往來頻

月夜過射陽湖

吳敏道

悠悠清夜永渺渺片帆孤殘火遙明滅纖雲乍有  
無湖虛天倒映波靜月平鋪兩岸菰蒲裡長懷舊  
釣徒

簡仲行甫

吳敏道

問訊仲長統園居樂事新君方解東郡予幸托南  
寶應縣志

卷之十八

六

鄰竹裏行庖近墻頭過酒頻東風劇情思欲動海  
棠春

朱子忠携酒登李明府新築狀元峰

吳敏道

登臨興不淺綠酒更須傾樹影低垂縣湖光曲抱  
城青天一柱迥落日數帆輕爲問長安事君王在  
集英

秋日支川莊作

吳敏道

積水連滄海孤村秋可憐沉冥不計耕  
田

年楓葉紅堆徑蘆花白照天移家終此地吾愛子  
真賢

過射陂草堂二首

王世貞

客有孔融刺君還徐穉床著書深草色懸壁菟湖  
光意氣寒溫簡郎官歲月長孤帆瞥於鳥別路意  
難忘  
人君宴息處香氣似禪居趺坐心相語元宗字自  
書青天短褐素落日巾柴車不道身猶貴山人恐  
不如

寶應縣志

卷之十八

七

寶應訪朱廣信亭之

盧 雍

落日倚舩處長湖繞縣城渚烟連水白沙月傍人  
明訪舊三年別論心萬里情淹留永今夕欲發候  
鷄鳴

過朱凌谿園亭

蔣山卿

好懷當月夕散步對園林細竹添烟色餘花暗露  
陰閑堦翻舞鶴流水靜鳴琴尊酒逢知舊何妨清  
夜淡

泊舟槐樓憇清源祠

茹 信

暫艤湖邊棹還過柳下橋銀鱗出水細黃鳥入春  
嬌祠廟丹青在雲山紫翠遙閒房如可借長此息  
塵囂

曉發寶應

劉景韶

初旭動川光千帆拂曙揚連天江氣白極目雁蘆  
黃楚水前朝路淮陰舊戰場憂時紆上策空自戴  
星忙

龍竿寺

朱頰

獨坐山窓下悠然法界中一僧甘寂寞萬象托虛

寶應縣志

卷之十八

八

空西日金輪映東溟寶筏通蒼龍舊時竹無處覓  
高叢

廣洋湖

許日孚

夜泊東湖岸風生南澗濱羣鷗嬌不起片月冷相  
親笛奏清谿曲盤行紫玉鱗乍華未消歇猶是夢  
周人

古城東隅夜汎

仲言永

鄉社桑麻地家園萸菊秋初歸陶令宅又土李膺  
舟古渡生寒浪高城抱遠洲莫愁歸路晚乘月泛



中流

送劉練江先生歸省

黃衍相

官况同秋色猶然戀敝袍  
尊開燕市酒帆落廣陵  
濤夜靜雙龍嘯天空一鴈高  
行知前席召未許臥  
江臯

題甫里寺

朱方中

八解旃林秀六時香界幽  
塔廊低宿斗鐘梵不驚  
鷗水竹分禪院風花逗客舟  
緬懷丘壑趣吾得及  
春游

寶應縣志

卷之十八

九

雨中聞練江將至旋會於平望喜作

朱國禎

有客破青冥乘風到驛亭  
雲霞君作佩土木我爲  
形湖闊江南北身閒日醉醒  
請看轉眼事並與付  
流螢

送朱澹子使白門

王熙

惆悵聽驪歌西風奈別何  
青樽當落日黃葉照長  
河細雨孤帆遠寒潮旅鴈多  
秣陵如昔否好爲布  
恩波

題竹溪草堂

龔鼎孳

送勝愚公谷耽幽種樹書乾坤仍轉戰水石已成  
廬地迥惟棲鳳泉香不羨魚籜龍春雨長日護子  
雲居

一林青靄合兩岍白鷗移晚飯抄雲子奇文教雪  
兒風清開北牖興好愛西陂曠望湖天出無煩檜  
插籬

薜蘿誠憤俗豺虎亦乘時自廣絕交論長歌飲酒  
詩雲寒翻荇帶秋淨滑蓴絲高臥滄江晚能忘漁

寶應縣志

卷之十八

十

父期

蘆中人自異花下屐偏長溪雨開蔬甲春衣試茗  
槍此間無甲子何味是膏梁醒酒他年石家風起  
贊皇

頓遠黃農世寧知魏晉年垂綸私日月晞髮選雲  
泉天健看山杖人空負郭田檀藥千頃玉吾意足  
蕭然

送朱監師入粵

程可則

梅銷山下路與爾共江天朔雪三千里離亭十五

年追歡會幾度惜別又潛然去憶經行地相思獨扣舷

憶姊三首

陶澂

廿載湖陰住年年對瓦盆可憐營菽麥祇為長見孫老樹還依岼扁舟直到門室中新得婦白髮未曾髡

梁鴻栖正穩李勣事全非一紙憑鄉信千山隔翠微日晴菰菜白沙暖鰕魚肥料得同生者天涯念我歸

寶應縣志

卷之十八

十一

樹裏南湖好歸時定卜居芰荷須淺種榛棘賴先除放跡思焚硯孤情恥曳裾兒曹各有命吾欲老樵漁

春日過東澥侯墓

陳文合肥人謚曰孝

朱克生

不辨麒麟塚平蕪望夕陽魂猶傳保信人自哭濠梁金甲蠶蟲滅魚膏鬼焰涼前朝空祀典墓戶亂

蒸嘗

廬州亦日保信軍

秋日過東臯二首

朱克生

信步出城郭移情到薜蘿晴雲浮野竹秋水漲寒

莎石壁銜杯晚松風傍檻多尋幽真有意吾道在  
烟波

曲水自成谿平疇落日低千峰環郭北一塔隔雲  
西古木懸藤瘦叢篁過鳥啼登臨渾不厭結伴好  
攀躋

移家柘溪

陳 鈺

何處容疎放閉門天地寬小池澗貯月亂竹矮妨  
冠世事消書卷生涯任釣竿由來麋鹿性非是學  
泥蟠

寶應縣志

卷之十八

十三

無計堪銷夏悠然想石梁禽多爭密葉雨不避殘  
陽莧甲調羹滑蓮鬚煮粥香晚來宜露坐到眼盡  
青蒼

清芬時斷續老棗着疎花茅屋通窓小苔堦送笋  
斜畫思移翠岫詩欲剪秋霞更有幽栖樂橋連沾  
酒家

空翠濛濛濕山林晚更幽螢飛天失夜雨過竹驚  
秋茗椀推萍洗書籤畏月收遙聞清玉笛吹近水  
邊樓

把卷松根坐清陰散杳冥露滋蟬翅薄苔入鶴翎  
青消渴含冰盃貪涼抱水餅身輕新雨後沙岸點  
金星

障日持葵扇臨流濯葛巾石磯窺渴鳥荷蓋聚游  
鱗嬾性閑偏適交情疎轉真扁舟門外繫一月未  
過隣

喜冰壑移居柘溪四首

喬邁

東瀼添新漲林塘遂爾寬杯揮仍勸影髮散更無  
剋苔色沾書幌林花落釣竿蕭蕭松幾樹猶自學

寶應縣志

卷之十八

三

龍蟠

筋力年侵薄炎天目炫花路欺芒屨傲兒笑竹書  
斜用拙羞黃綬何緣嚙赤霞不須尋洞口辟地卽  
仙家

風定澄潭靜荷花清且幽捲簾山撲翠放棚笛驚  
秋鵝鴨晨昏數蒲葵次第收前村樹色好預儼一  
登樓

几研明清晝啣泥燕自過窓雲開遠岫岬柳蘸微  
波瀲灩稀人迹逍遙和鳥歌夜來林影靜端坐月

東軒

喬邁

一壑容吾放西風淚欲隨陶潛貧愛酒范粲老無  
詩霜鶴孤生悟寒魚樂自知悠悠流水外端坐復  
何思

屏跡寒谿遠柴門歲月淡雪消開竹徑風落得松  
音舊榻慵堪臥新醅狂自斟東軒無伴侶猶喜宿  
雙禽

谿中春水至谿上白雲多細雨添薇蕨輕風動薜  
寶應縣志

卷之十八

四

蘿世情何躑躅野興未蹉跎自分惟溝壑閒吟一  
醉歌

雨後同友人集石林京邸分韻二首

曹爾堪

涼月光先吐城西掛遠峰花陰藏蟋蟀秋氣歛芙  
蓉香細茶烟潤簾淡燭影重斗壇依檜栢長被白

雲封

愚山禮  
斗未至

小院烏皮几堆床有秘書簪裾容暫解禮法未全  
疎入夢唯鱸膾耽情作蠹魚應劉辭藻盛賓客擬

黃初

題桃花流水圖

汪懋麟

春山濃似染春水淡于煙萬頃開明鏡千花送小船  
人家紅雨外書卷綠波前只道溪雲盡橋回別有天

孤村人不到一權爾何來畫槩遲遲轉天桃細細  
開風光當二月人事且千杯不是花源客鶯聲爲  
遣回

昔年過鄧尉十里着梅花漱澗春潮滿溟濛細雨

寶應縣志

卷之十八

五

斜卽今看畫嶂只似到山家亂眼飄晴雪江村盡  
落霞

幾回思絳樹吾欲買青山便好携家去扁舟竟不  
還種桃堪飽食采藥得真閒攘攘于戈際全身一  
放顏

秋日閒居和喬石林編修韻 施閏章

改官俄累月拄笏尙閒居側聽千春上回看萬事  
疎懷殘投客刺讀倚借人書落葉西隣過荒庭倦  
掃除

客子歸無計長拚不憶家狂難容白眼貧恐負黃  
花雨逼疎簾暗風吹老屋斜前年劇幽興手攬赤  
城霞

自信山農老何當絳殿知搜奇慚識字安拙嬾  
填詞室小留人坐盤空任客嗤滄洲吾道在蓄意  
待來茲

經年慵攬鏡怯見鬢絲殘睡每憑書帙吟長繞石  
欄風沙借日暮燈火送更闌無策酬恩遇餘生敢  
自寬

寶應縣志

卷之十八

七

金門從索米漆室敢匡時鱸憶鮮隨網蓴思滑滿  
匙地維搖北極朋會罷南皮賸有呼天淚傍人未  
遣知

乍霽雲初斂輕寒日易晡攬裘毛似鞞把卷粟生  
膚山閣思紅葉家書問白鬚素餐吾老去浩蕩復  
何拘

傍爐燒紫芋列甕膾寒葢味轉增熊掌香偏畏麝  
臍葵殘秋雨數詩罷夕陽低星隕知何意看垂屋  
角西



嫌藥力少病起杖藜經腕脫煩書札愁眠警  
聲細蟲終夜語獨鴈九霄鳴稍喜無家累條然几  
榻清

文章成底事秃筆日頻拈敢望班張輩誰能仕學  
兼清談收玉塵艷體薄香匳尙有難閒處徵詩債  
屢添

俸錢艱儻屋荒館卽高齋士銜人同費牙籤手自  
排蒼顏慙赤紱舊夢逐青鞵眼底西山近還怪歷  
翠崖

寶應縣志

卷之十八

七

寓喬石林侍讀縱棹園賦贈十首

潘耒

誰信高城裏滄波百畝寬長春花藥潤不夏水風  
寒隨地皆三徑何人割一官羊腸飽經歷轉覺人  
林安

屋宇無多置輕窓面面開松疎無日漏竹密有雲  
來亭擬虛舟敵橋依曲澗迴披襟愛空關一芥儘  
浮杯

東山休捉鼻南垞漫焚魚且輟凌雲賦來繡種樹

書全隄乞楊柳盡水予芙蓉渠百卉分畦占樊遲  
不疎

籃輿無着處一艇往來便透入瀟湘盡移來若雪  
天蘸波千樹濕倒影百花然欲得浮家趣蓬窓自  
在眠

此中無雜客客我住兼旬割贈林泉樂平分懶散  
人偶來時正美乍見物皆親天地蘧廬耳名誰是  
主賓

此地宜逃暑炎蒸六月無水涼侵枕簟林翠滴肌  
寶應縣志

卷之十八

六

膚尊至羈愁失風來病骨蘇倏然人世隔永日坐  
冰壺

性拙緣都減神閑夢亦清至文波澹沲天籟鳥嚶  
鳴侵曉扶松立衝宵領雀行機心都息盡唯有一  
枰爭

芰荷千萬本併作一池花照水承初日烘天鬪晚  
霞餐香憐靜婉吸露賞清華湧現青蓮界金繩路  
不賒

存訪肯同好淹留爲故交經旬廢冠襪排日治餽

看曲愛新聲度書矜秘本鈔卜鄰吾有意梁燕  
成巢

熊魚不兼取鵬鷄兩相憐借問雙藤杖何如一画  
船端居看蜃市鼓腹戴堯天不受塵勞縛身輕卽  
是仙

題縱櫂園

葉燮

聞說城隅地天然闢蒹葭入門開妙想一逕得無  
涯色界蓮花繞浮漚蜃氣遮忽驚青瑣客移向洞  
天家

寶應縣志

卷之十八

九

綠柳千行曲平橋百折通鷗馴朱戶月鶴刷碧城  
風樹老交爭影簾疎盡攬空慚非查上客聞鼓到  
幽宮

書卷移床便茶烟出竹深那能無熱客似欲賞灰  
心是草拈堪藥無音不韻琴濠梁何限趣一一上  
衣襟

晚泊寶應晤喬侍讀劉黃門朱侍御

董訥

一葉隨風去林霏傍晚開且投荒驛泊還喜故人